

Edizione diplomatica

[c. 146 r.]

	
M(ou)lt mest belle la douce comensence. del nouel tens alentreir de pascor. ke boix (et) preit sont de mainte semblence. uert (et) uermoil cou - uert derbe (et) de flor. (et) ie seux lais de ceu en teil balance. kamains ioi(n) tes aor. ma belle mort ou ma haute richor. ne sai lou keil sen ai ioie (et) paor. si ke souent chans lai ou de cuer plor. ke lons respis mesmaie	lichastelai(n) de cousi
	
Iai de mon cuer nistrat maix la coentance. dont mait conquis amors plains de dousors. celle cui iai toz (et) mescheance. iors en remembrance. si ke mes cuers ne sert dautre labor. he france riens en cui iai ma fience. por uostre honor merci. car sen uos truis lou semblant menteor. mort maueries aloi de traitor. si envairoit noiens uostre ualoirs. sensi mauies ocis sens defiance. Deux com mait mort de debonaire lance. sensi me lait morir de teil dolor. de ces biaux ieuls me vient sens defience. ferir al cuer cains ni ot autre estor. m(ou)lt uolentiers en panroie uangence. per deu lou creator. si ke mil fois la	

[c. 146 v.]

	
poisse lou ior. ferir acuer ensi de teil sauor. ne iai certes nen feisse cla - mor. se ieu eusse de moy uengier poissance. He franche riens pues ken u(ost)re menaie. me seux tous mis trop me secorreis lent. car dons nest pais cortois ki trop delaie. se sen esmaie icil ke si atant. cuns pe tis biens uault muels se deus me uoie. con fait cortoisement. ke cent gringnor fait anousement. car ki le sien done retraianmant. son gei ipert (et) si couste ausiment. com il feroit al poent ke bien lenploie. Ie	
	

ne di pais dame ke ie recroie. de uos ameir se mors nel me deffent. maix
fine amor tient mon cuer (et) maistroie. ke toz se done auos entiereme(n)t.
se nai pooir dame ke ie lou raie. si mauient il souent. ke trespensis
me truis entre la gent. el douls desir (et) el douls pensement. (et) en la
ioie ke ie de uos atent. ce ceu niere iai pairleir nen querroie. Chan -
son uai ten mes lai ou cuers tenuoie. ne los dire autrement. lai tro -
uerais se mes sens ne me ment. cors sens merci. greille lonc blanc (et)
gent. simple (et) belle de dous acoentemant. cleir uis riant ola biaulteit
veraie

- letto 700 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1152>